

Raajanut akitsuutit pillugit Inatsisartut inatsisaata allanngortinneqarneranik Inatsisartut inatsisaat nr. 24, 22. november 2011-meersoq. (Akitsuusigassat ilaanneeriarlutik allanngortarnerat) Atuussimasoq (Historisk)

§ 1

Raajanut akitsuutit pillugit Inatsisartut inatsisaanni nr. 20, 25. oktober 1990-imeersumi, Inatsisartut inatsisaatigut nr. 4, 30. november 2009-meersukkut kingullermik allanngortinneqartumi makku allannguutigittinneqarput:

1. § 2, imm. 1ima oqaasertaqarpoq:

”Raajat § 1-imi taaneqartut akiinit akitsuummumut akiliisoqartassaaq, takuulli § 3. Nunanut allanut nioqquteqartup Kalaallit Nunaanniit Kalaallit Nunaata avataani apuuffissaannut assartuinermi aningaasartuutit ilanngutinngippagit, tunisinermi aki raajanut akitsuusigassanut kiilumut 1 kr.-imik qaffanneqassaaq.”

2. § 4, imm. 2-mi ”kiilumut akia” kingornagut ivertinneqassaaq: ”, § 2, imm. 1, oqaaseqatigiit aappaat naapertorlugu qaffaataajunnartunik ilasaq”

§ 2

Inatsisartut inatsisaat 1. januar 2012-imi atortuulissaaq.

Kalaallit Nunaanni Namminersorlutik Oqartussat, ulloq 22. november 2011

Kuupik Kleist